

երբ տեղի վրա պեղումներ արվեն հատակաձևը գտնելու համար, եթե, իհարկե, տեղում որևէ բան պահպանվել է երկու դավիթների շինության և նրանց ներսում իրար կող-

քի խիտ կերպով շարված գերեզմանների պատճառով: Սակայն Սանահնի այս հնագույն դավիթը մի հետաքրքիր փաստ է այն մասին, որ Բագրատունյաց Հայաստանում, 10-րդ դա-



Նկ. 23. Գուրգեն և Սմբատ թագավորների՞ բարձրաբանգալը Ամենափրկիչ եկեղեցու տեղափոխման ժամանակ, որոնց գլխին՝ № 3 արձանագրությունը:

րում գոյություն է ունեցել ժամատուն կամ դավիթ կոչվող եկեղեցու կից շինությունը, այն էլ այնքան ընդարձակ, որ միաժամանակ ծառայել է իրար մոտ, բայց միմյանցից անջատ երկու եկեղեցիների, ինչպիսիք են

Սանահնի Աստվածածին և Փրկիչ տաճարները:

Ճարտարապետ Բ. Թորամանյանն այն կարծիքին էր, որ ժամատուներն ու դավիթները հայոց եկեղեցիների մեջ առաջ են եկել